

ZAPISNIK

SA VI REDOVNE SJEDNICE IZVRŠNOG ODBORA UPFBIH

održane dana 12.05.2020. godine (UTORAK), sa početkom u 12:00 sati, u prostorijama ASA HOLDING (Bulevar Meše Selimovića 16) u Sarajevu

Sjednici su prisustvovali članovi IO.: Adnan Smailbegović, Safudin Čengić, Samir Alić (po ovlaštenju Snježane Kopruner), Nurdin Peštalić i Nedžad Sadić (po ovlaštenju Rusmira Hrvica)
Sjednici nisu prisustvovali članovi I.O.: Krasnodar Petrović i Marin Raspudić koji su opravdali svoj izostanak.

Na sjednici su pored članova IO prisustvovali i predstavnici članica kompanija iz KS: Igor Baroš, Suad Ećo, Slavko Sić i Karović Esada.

Ispred UP FBiH: Mladen Pandurević i Mersiha Jusić.

Pored članova Izvršnog odbora sjednici su prisustvovali i predstavnici poslodavaca iz KS. Predsjedavajući Izvršnog odbora Adnan Smailbegović je predložio sljedeći:

DNEVNI RED:

- 1) Usvajanje Zapisnika sa V redovne sjednice Izvršnog odbora UP FBiH;
- 2) Razmatranje prijedloga Zakona o radnim odnosima za vrijeme proglašenog stanja prirodne ili druge nesreće kao i za vrijeme ratnog i vanrednog stanja u Federaciji BiH;
- 3) Primjena Zakona o ublažavanju negativnih ekonomskih posljedica;
- 4) Informacija o aktivnostima UP FBiH za vrijeme krize izazvane korona virusom (COVID 19)
- 5) Razno.

Dnevni red je jednoglasno usvojen u predloženom obliku.

RASPRAVLJANJE PO TAČKAMA DNEVNOG REDA:

Tačka 1. Usvajanje zapisnika sa V vanredne sjednice IO

Predsjednik Izvršnog odbora Adnan Smailbegović je upoznao članove Izvršnog odbora sa ovom tačkom dnevnog reda. Napomenuo je da je Zapisnik dostavljen svima, te da po istom nije bilo primjedbi.

Obzirom da nije bilo primjedbi donesen je sljedeći zaključak:

A.D. 1.1. Zapisnik sa V vanredne sjednice IO je jednoglasno usvojen.

Tačka II Razmatranje prijedloga Zakona o radnim odnosima za vrijeme proglašenog stanja prirodne ili druge nesreće kao i za vrijeme ratnog i vanrednog stanja u Federaciji BiH;

Predsjednik je zamolio direktora da ukratko upozna prisutne vezano za izmjene Zakona o radu. Direktor Mladen je istakao da je UPFBiH djelovalo na razne načine i kroz razne mjere od početka pandemije. U cilju regulisanja radnih odnosa i očuvanja radnih mjesta za vrijeme pandemije UPFBiH je predložilo Vladi i sindikatima potpisivanje socijalnog sporazuma kojim bi se definisala određena pitanja. Održano je 5 sastanaka, ali Sindikat nije htio prihvatiti Sporazum. Nakon toga UPFBiH je tražilo od Vlade da ide sa izmjenama Zakona o radu. Vlada je to privatila i pripremila je Nacrt Zakona o radu. Obzirom da Zakon o radu ne može biti primjenljiv bez izmjena Zakona o vijeću zaposlenika UPFBiH je uspjelo ubijediti Vladu da istovremeno sa izmjenama Zakona o radu idu i izmjene Zakona o vijeću uposlenika. Napravili smo kompromis da se rok iz Zakona o vijeću uposlenika sa 30 dana smanji na 5 dana.

Predsjednik je istakao je da je Zakon o izmjenama i dopunama Zakona o radu kao i prijedlog Lex specijalis zakona za izmjenu radnog zakonodavstva dostavljen u materijalima te otvorio raspravu.

Nakon rasprave u kojoj su učestvovali svi prisutni doneseni su sljedeći stavovi:

A.D. 2.1. IO je zauzeo stav da UPFBiH treba insistirati na hitnom donošenju Izmjena i dopuna Zakona o radu, kako bi se kompanijama u FBiH omogućilo neometano funkcionisanje tokom i nakon trajanja krize izazvane pandemijom koronavirusa.

IO UPFBiH je podržao donošenje Zakona o izmjenama i dopunama Zakona o radu u predloženom tekstu uz zahtjev da Vlada FBiH u što kraćem roku istovremeno sa izmjenama Zakona o radu u parlamentarnu proceduru uputiti i izmjene Zakona o vijeću zaposlenika. Bez izmjena člana 24. Zakona o vijeću zaposlenika predložene izmjene Zakona o radu neće biti primjenljive u praksi. IO je također ohrabren činjenicom da su poslodavci unatoč brojnim problemima zadržali radnike i u proteklom period nisu otkazivali Ugovore.

Tačka III Primjena Zakona o ublažavanju negativnih ekonomskih posljedica;

Predsjednik Adnan Samilbegović je istakao da UPFBiH iako u potpunosti nije zadovoljano sa rješenjima iz Zakonom o ublažavanju negativnih ekonomskih posljedica ipak ocijenjuje da je ovo prvi korak za podršku privredi te da Vlada obavezno treba pripremiti novi set mjera za podršku privredi.

Udruženje poslodavaca u FBiH je i amandmanski djelovalo na Zakon o ublažavanju negativnih efekata određene primjedbe UPFBiH su i prihvaćene, ali UPFBiH ipak smatra da Zakon treba imati povoljnija rješenja.

Članovi IO UPFBiH ukazali su na brojne probleme koji se tiču provedbenih akata kada je u pitanju primjena Zakona o ublažavanju negativnih efekata. Neka od otvorenih pitanja koja ostavljaju mogućnost za različita tumačenja je uslov da kompanije mogu ostvariti subvencije uz uslov da su isplatile doprinose za februar ove godine, ali se ne navodi datum do kojega su doprinosi trebali biti uplaćeni. Kako se u zakonu ne spominju doprinosi za mart, niti druge poreske obaveze otvoreno je pitanje da li će prepreka za ostvarivanje subvencije biti neuplaćeni porezi i doprinosi

za mart, ali i mnoga druga pitanja koja su poslodavci dostavili UPFBiH. U tom smislu predloženo je da se od Porezne Uprave FBiH i Ministarstva finansija zatraži zvanični stav po navedenim pitanjima.

Nakon diskusije donesen je sljedeći zaključak:

A.D. 3.1. Na sjednici je istaknuto da IO UPFBiH nije u potpunosti zadovoljan sa rješenjima Zakona o ublažavanju negativnih ekonomskih posljedica, ali da donošenje Zakona predstavlja prvi korak u pomoći privredi.

A.D. 3.2. Vezano za primjenu Zakona o ublažavanju negativnih efekata IO je zaključio da o svim otvorenim pitanjima provedbe ovog Zakona UPFBiH zatraži zvaničan stav Porezne uprave FBiH i Ministarstva finansija FBiH.

Tačka IV Informacija o aktivnostima UP FBiH za vrijeme krize izazvane korona virusom (COVID 19)

Vezano za ovu tačku dnevnog reda director Pandurević je upoznao prisutne sa izvještajem o aktivnostima koje su bile od početka pandemije. Istakao je da je izvještaj dostavljen svim članovima IO u pisanoj formi kao materijal za tačku dnevnog reda.

Direktor Pandurević je istakao da od Vlade treba zatražiti da hitno donose novi set mjera kao podrška poslodavcima nakon prestanka stanja nesreće budući da tek sad se očekuju brojni problem u privredi.

Čengić Safudin je predložio da se formira Radna grupa za izradu III seta mjera u koju će biti uključeni predstavnici akademske zajednice.

U diskusiji članovi IO su podržali prijedloge Čengića i Pandurevica i istakli da UPFBiH hitno treba pripremiti III set mjera koje će uputiti Vladi FBiH na razmatranje. Ovaj treći set mjera bi se odnosio na podršku od strane Vlade FBiH u periodu nakon proglašenja prestanka stanja nesreće izazvane COVID 19. Članovi IO su napomenuli da je privreda na koljenima te da će zaista podrška Vlade u narednom periodu biti od izuzetnog značaja za opstanak kompanija i očuvanje radnih mjesta. U tom smislu u narednom period je potrebno pripremiti Prijedlog III seta mjera za ublažavanje negativnih posljedica na privredu FBiH. Posebno su naglasili da je važno da u izradu III seta mjera biti uključeni predstavnici akademske zajednice.

Nakon diskusije donesen je sljedeći zaključak:

A.D. 4.1. IO je podržao prijedlog da se formira Radna grupa u koju će biti uključeni predstavnici akademnske zajednice. Radna grupa će pripremiti III set mjera za ublažavanje negativnih posljedica pandemije koronavirusa na privredu i dostaviti nadležnima institucijama.

A.D. 4.2. UPFBiH će od Vlade FBiH zatražiti da što prije donese naredni treći set mjera koji bi se odnosio na podršku u periodu nakon proglašenja prestanka stanja nesreće izazvane COVID-19.

Naglašeno je da je situacija u privredi izuzetno teška i da bez podrške nadležnih institucija same kompanije i privrednici neće moći sačuvati radna mjesta i privredu.

Tačka 5. Tekuća pitanja.

Pod tekućim pitanjima članovi su raspravljali:

- **o radu Komisije za vrjedonosne papire**

Kao jedno od ključnih pitanja a koje ne smije biti stavljeno u drugi plan pa čak i u vanrednim okolnostima je pitanje nerada Komisije za vrjedonosne papire. Procjena je da otprilike ima oko 200 miliona KM na stolu koji su zbog nerada Komisije ne može koristiti . Suština je odblokirati rad komisije, ali s druge strane moramo imati kvalitetne ljude.

- **o zabrani rada poslodavcima na osnovu Naredbi**

Igor Baroš je predložio da UPFBiH angažuje advocate koji će ispitati da li je Naredbama o zabrani rada za pojedine djelatnosti povrijeđeno Ustavom zagarantovano parvo na rad.

- **Zahtjev za izmjenu Pravilnika o registrovanju vozila**

Gdin. Čengić Safudin je istakao da su predstavnici prevoznika Ministru prometa i komunikacija BiH uputili zahtjev za izmjene Pravilnika o registrovanju vozila, koje imaju za cilj da se produži rok važenja registracije za vozila koja se ne koriste u saobraćaju do prestanka stanja izazvanog pandemijom korona virusa. Također, vlasnicima vozila se treba omogućiti da za vrijeme trajanja produžetka roka važenja registracije treba omogućiti da nisu obavezni odjaviti vozilo i vratiti registarske tablice. Prema prijedlogu koji Vam kje dostavljen registraciju vozila vlasnici bi bili dužni su obaviti u roku 30 dana od dana prestanka stanja izazvanog pandemijom koronavirusa (COVID-19). Također vlasnicima autobusa i teretnih vozila potrebno je omogućiti da ponovnu registraciju obave najkasnije do 90 dana od dana prestanka stanja izazvanog pandemijom koronavirusa (COVID-19).

Pod tekućim pitanjima gdin. Čengić je također predložio da se uputi pismo UP FBiH u kojem će se tražiti da Vlada na prijedlog Ministarstva turizma, na način kako je to urađeno i u državama regiona te najvećm broju zemalja EU, donese propis po kojem bi se putnicima koji su uplatili aranžman ili akontaciju za isti, od strane turističkih agencija izda vaučer koji se može iskoristiti za to ili slično putovanje do kraja 2021 godine. Ovo iz razloga što su turističke agencije prema hotelima ili avio kompanijama uplatile avans za rane rezervacije ili akontaciju za charter letove koji neće biti vraćen već je ostavljena mogućnost da, ukoliko se aranžman ne može realizirati u 2020 uplate koriste za arnžmane u 2021. Godini.

Također je istakao da će negativne posljedice, za najveći broj poslodavaca, dovesti do toga da će 2020 godinu završiti sa negativnim rezultatom. To će značiti da isti neće moći učestvovati na tenderima ili će imati daleko veće troškove za kreditno zaduženje a neki I neće moći aplicirati za isti. Imajući u vidu da gubici u poslovanju nisu nastali problemima iz redovnih aktivnosti ili lošim

upravljanjem, već su isti nastali kao posljedica pandemije corona virusa i zabrane rada kao i otežanih uvjeta za poslovanje.

Gdin. Čengić je predložio da se angažiraju vanjski saradnici iz akademske zajednice koji bi dali prijedlog donošenja određenog propisa kojim bi se, eventualni negativni poslovni rezultati iz 2020 godine prouzokovani efektima corona virusa tretirali ili prikazali na drugačiji način. Ovom bi se omogućilo da se poslovni rezultati iz 2020 godine ne tretiraju na dosadašnji način.

Nakon diskusije donešen je sljedeći zaključak:

A.d. 5.1. IO je zaključio da će pitanje uspostavljanja rada Komisije za vrjedonosne papire i dalje biti kao jedno od aktuelnih pitanja u toku pandemije i da će UPFBiH insistirati na odblokiranju rada Komisije.

A.d.5.2. IO je primio k znanju prijedlog Igora Baroša uz zaključak da dostavi prijedlog inicijative kao i prijedlog advokata koji bi to radili.

A.d. 5.3. UPFBiH će nakon što Čengić Safudin dostavi prijedlog Pravilnika, uputiti Ministarstvu prometa i komunikacija BiH urgenciju za hitnu izmjenu Pravilnika kako je predloženo.

Sjednica završena u 14:15 sati

Zapisnik sačinila: Mersiha Jusić

P R E D S J E D N I K

Adnan Smalbegović